

卷八十六

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷八十六
內容分類 集 總集 各代 明

索書號 大木-集部-總集類-30
編號 D7861500

彩色首頁1


[東洋文化研究所漢籍目錄 編號: D7861500](#)

[東洋文化研究所漢籍目錄所藏漢籍善本全文影像資料庫 索書號: 大木-集部-總集類](#)

[30 漢籍善本全文影像資料庫文本 皇明文衡一百卷 正德五年序刊本](#)

版權所有: [東京大學 東洋文化研究所](#)

[使用上的注意事項](#)



皇明文衡卷之一

代言檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

原檄

宋濂

自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技



墓誌銘

故奉議大夫浙江提刑按察僉事劉公墓誌銘

胡廣

國初廬陵諸君子仕於朝其聲光炳耀卓然為時所稱譽者
無慮數十人而劉公季道其一也公以明經被薦初拜起居
注遇事知無不言竭盡誠悃首發御史大夫陳寧奸深為
上所信重嘗隨 駕幸中都度清流關

上賦詩命百官和公獨先就有治定不教生縱逸功成猶遣
歷間關之句

上覽之曰有安不忘危之意賜白金二十兩綵段二端未幾
拜浙江提刑按察僉事決積歲治獄六百餘起有牽於文繫

者平反尤多民以無寃咸嗟服之此其卓然有聲稱者竟爲
陳所銜傳致其死時洪武六年月日得年四十有九公諱宜
正季道其字其先沛人唐末自沛官袁五季之亂由袁徙吉
居永豐灞溪曾祖諱某兩領宋漕舉授新淦縣丞祖諱其恒
山縣令父諱奇相元至治癸亥領鄉薦爲東湖書院山長吉
安路儒學正撫州路儒學教授母張氏公居幼穎敏過諸兄
八歲隨父居東湖讀書聲琅琅聞于外賓客往來應對閑習
人多譽之九歲喪母哭泣逾哀十三喪父居喪毀瘠不勝始
事鄉先生劉惠心繼從山泉解先生二先生咸異之時郡守
開堂試公年十八就試中高等獲綵綺二旣而持所學試于
有司再不利有得其文讀之曰如此而見擯乎命也季道
季公曰吾學未至耳非有司病吾病也季天下釋其友梁某

爲福建招討託致其母扶持兵革間出艱難致其母子相見
其拜公曰微公其孰能致吾母終身不敢忘德嘗與姻戚居
逆旅忽得疾公親爲調藥餌旣死公抱之而哭解衣葬之所
遺金悉以歸其子兄弟四人長皆先沒惟仲兄存公迎至家
養之比其沒葬祭皆盡其情無子以次子爲其後公娶邑曾
氏賢而有婦行自公沒惟以教子爲事子三人長曰忠次曰
勗幼曰肅字子欽子欽登永樂二年甲科爲名進士入翰林
爲庶吉士其文學爲儕輩所推讓女一人適其孫男九人女
二人距公沒三十餘年將卜葬于某山之原子欽始以狀來
請銘謹按狀而銘之銘曰

嗚呼劉公挺然之英政事文章焯有時稱發奸之言揚于大
廷巨蠹一聞膽落魄驚諷辭戒逸治定功成至誠有動

錫賚寵榮載歷風紀激濁揚清事有失頗公執其平伸抑理
枉獄無歎聲奸臣銜公頃不忘情傳致公死惡害公生生有
不沒死則公寧公天既定彼奸曷勝以磔以裂

天子聖明公憾既釋烈日薄冰彼奸鬼蜮公猶列星有燁其
芒南極長庚伊彼鬼蜮稔其穢腥有北豺虎以莫不憎公有
令子式克繼承以昌家學甲科聿登庶或在茲報公冥冥有
封如堂以妥公靈爰伐貞石鑿不朽銘百世之下斯文是徵

羅公矇叟墓誌銘

我

太祖高皇帝乘運龍興文武智謀之士四方雲集各獻其能
其難暴橫肇建洪業偽漢逞兇殲于鄱陽其子理潛歸武昌
上不欲窮兵乃遣儒生棹三寸舌以說之廬陵羅復仁承

命往說說下完城不費一矢雖其口舌之功而實本於

太祖不殺之仁有以致之也復仁質直遇事敢言以是功授

弘文館學士後賜休致于家其從子養蒙好言語持辯論侃
侃無所避人謂有其從父風而文學或過之羅氏代有其人

養蒙諱以明養蒙其字自號曰矇叟幼知慕學家貧每鬻醬

珥以教之七歲善聲對十二三能為辭賦及冠為童子師常

得肉味輒先以奉親所得一毫不自私元末兵亂值太父母

及父三喪竭力盡喪葬不以貧窶廢禮一日假館新塗忽心

動亟回家時母遺疾甚危卽禱天請以身代母竟死更二日

復甦謂曰適有神人告我云更與汝壽五齡人皆謂公孝誠

所感母後果五年而沒母沒哀痛幾絕終喪如一日自是遇

歲時祭奠必泣下沾襟鄉人見者莫不稱歎故公之行有以

服人雖寇盜聞公言皆感愧不復爲攘竊 國初有勉公仕者公曰我逢 聖朝爲太平之民謳歌田野以樂治化教子課孫以報覆育之仁吾老矣無能爲矣今

天子卽位改元永樂其中子汝敬領鄉薦明年上春官登進士第入翰林爲庶吉士陞修撰皆公之教也汝敬嘗迎公來就養公時猶康強朝

上千奉天門見

皇太子于文華殿特加問勞 命大官賜膳人皆榮之已而辭歸詞林士大夫多爲詩歌餞送于都門外觀者咸嘖嘖加羨公歸鄉惟日賦詩歌頌太平間以書勉其子惟盡忠孝年已八十六耳目聰明飲食無異平時一旦脩然而逝永樂壬辰十一月廿三日也生故元泰定丁卯月日曾祖德茂元瑞

州學正 曾祖 父時中俱博學有文章母蕭氏配蕭氏再娶

李氏俱先歿子男七人曰忍曰德曰盈曰恭曰肅卽汝敬曰

仁臨江郡學訓導忍德先卒盈爲復仁後孫男若干人孫女若干人曾孫男某曾孫女若干人以某年月日葬于鄉某山之原汝敬以右春坊右諭德兼翰林侍講金公幼孜所述行狀泣請予銘予生也後嘗忝與公有文字之交且辱相知詎可以辭况公平生學問操履出處大槩表表可稱至其事親誠孝感動神明此猶可書謹按其實而銘之銘曰

羅氏之先始出錢塘有衍其支乃迂豫章奕葉靈陵復蕃吉水桃林之墟蔚蔚嶷嶷科第相望寶祐迄今有隴高曾襲其簪纓猗歟矇叟式承家學以孝事親質神無忤士服儒紳八十六年鶴髮童顏飄然若仙逍遙林壑優游卒歲他人天爵

公獨良貴公今逝矣以反其道九原不作永闕斯文

王竹亭先生墓誌銘

楊士奇

國朝混一之初天下耆儒碩師往往多在徵 詔數下或進而階顯融佐化理或退而信廉節成後進皆卓然有益於世也是時泰和王竹亭及其弟子啓兩先生正學篤行高風直節表表乎大江之西洪武二年子啓先生首舉明經爲監察御史明年竹亭先生以說書徵既至上書論事更授福建監運副使以老得辭子啓先生後陞廣西按察僉事又擢知崇慶州政治赫赫已而罷歸時竹亭先生春秋六十餘子啓先生亦幾六十伯仲恭愛隆然居必一堂出必鴈行長身玉立儼乎端恪巍冠褒衣襜褕甚偉蓋望之如神人無不肅然起敬長者至其接人色莊氣溫雍容怡如語簡理盡無不樂就

之焉竹亭先生諱沂字子與竹亭其別號幼讀孟子子卽知辯於義利稍長刻厲學問嘗從元進士楊升雲彭復初治周易造其室與自六經至於周程朱張之書靡不深究及子史百氏咸旁通博考蓋於天人之微聖賢之蘊往古治亂成敗之故蓄之富察之審言之的而履之確也嘗一試有司不合卽不復出教授於其鄉而所交游往還皆當世名人元季江兩叅政全普庵撒里守贛州禮遇先生辟爲行省照磨又承制授吉安路治中俱不受逮

皇明龍興洪武三年廣東行省聘考貢士試是年侍御史吳去疾言泰和王沂經學操行宜在侍近遂徵爲說書至未幾而歸益以成就後進爲務從學者愈衆傾竭底裏隨其材而篤之而皆有成先生資識高明內貞外和氣度弘偉規範自

然安成進士劉雲章嘗贊之曰淵乎玄酒之在尊凜乎大阿
之未出匣嚼乎其清而挹之弗竭薰乎其和而卽之弗可狎
又曰使及門孔氏則風雩之詠歸端章甫之禮樂固將進退
綽然而特視其所合蓋確論也先生孝友篤至歲時壘祭循
古禮燕處必嚴未嘗啓口及人過失有文集若干卷承旨宋
公濂爲之序詩若干卷襄城楊伯謙序之洪武十六年某月
某日卒年六十有七王氏世有德義其先出晉司徒導之後
由金陵來徙至宋戶部侍郎贊顯于仁宗朝事載郡志又若
干世至圭爲榮王府賓客與周文忠楊文節皆善學者稱虹
溪先生虹溪若干世至性夫性夫子以遺元李韓公復嘗薦
之以親老辭二子先生兄弟也先生娶陳氏繼李氏皆有賢
德子男一伯貞舉明經累官瓊州知府女一嫁嚴玄齡孫男

二信直直舉進士爲翰林修撰曾孫男八女三先生初葬于
秋鄉大徑之原至是瓊州公丁李夫人憂改葬先生新山之
原使直屬士奇銘墓士奇蓋生晚不足究知萬一然念鄉人
老長識先生者盡矣當時門人親受教者亦多不在將使後
之學者有志乎先進其何所考法也且士奇於王氏重世好
又少嘗侍教先生兄弟及瓊州公矣故不敢辭不敏不銘謹
述其所知大槩而爲銘曰

奕奕正山澄江洋洋倚歟先生邦人之望江山出雲雨于下
士君子之道有畜不施道之傳矣執不爲材佐理于隆濟濟
偕來世其遠矣後來何師倚歟先生曷究予思

故少師吏部尚書贈特進光祿大夫太師諡忠定襄

公墓誌銘

宣德十年正月十有五日少師吏部尚書蹇公薨于位先四日以疾聞

上遣大監范弘以醫來視賜鈔萬緡明日遣大監以衆醫偕來又明日疾革范復來問所欲言對曰

陛下初嗣大寶義獨寡祐不能效分寸裨益然區區犬馬之誠所望於聖明者惟敬守洪武成憲始終不渝耳言已而絕訃聞

上深悼歎屬時國有大事悉停諸祀特賜鈔萬緡

敕工部治喪葬贈公特進光祿大夫太師諡忠定遣某官某賜祭而官其長子英英等奉親歸葬有日求余為銘余與公同朝三十有五年而事

仁宗皇帝自登儲率大位始終陪公公國家老成人所

以啓益士奇蓋多不敢辭蹇氏世家重慶之巴縣宋以來多顯仕自公高曾而下始隱居不出曾祖繼祖妣牟氏祖均壽妣雍氏考源斌妣胡氏繼羅氏以公貴贈曾祖祖考皆榮祿大夫少師吏部尚書曾祖妣皆夫人公諱義字宜之生而岐嶷長端重不好弄而嗜學弗懈始從里社師中書左丞殷哲時為郡守一見異之引充郡學弟子員語其師曰是兒將來遠到非吾所及當成就之而公不煩程督日益有進洪武甲子中四川鄉試明年中禮部會試廷試賜同進士出身擢中書舍人授徵事郎見重

太祖高皇帝每前奏事率稱旨而數見獎賚初名瑤一日奏事畢問汝蹇叔之後乎親灑宸翰書義字賜之以易舊名時丁羅夫人憂賜道里費且命馳驛歸蓋特恩云服

關仍舊職滿三載吏部奏當調 特命終九載朝夕左右凡
機密文字必以付公而小心敬甚久而愈篤建文中陞吏部
右侍郎授嘉議大夫

太宗文皇帝入正大統轉左侍郎數月陞吏部尚書授資善
大夫時政令制度有非洪武之舊者 詔悉復之公從容爲
上言損益貴適時宜間舉數事陳說本末

文皇帝以公忠實悉從其言小人有譖公不忘建文者賴
上聖明不聽有除官不得善地訴公不公者

上皆斥之永樂二年冊

仁宗皇帝爲皇太子命公爲詹事時師傅皆以勲臣兼之而
輔導責任文臣詹事蓋元僚也

上欲有諭

皇太子率諭詹事十往導意公亦委曲周悉 皇太子
公所言靡不信用滿二載陞資政大夫十年 車駕巡狩北
京命

皇太子監國中外庶務惟 諸王及遠夷有奏請詣

行在餘悉啓聞處分公熟於典故達於政體孜孜無倦不動

聲色而事賴以濟 賜誥以其官秩封贈三代滿九載

賜敕有秉心正直及淳良篤實裨益 國家之褒數奉命兼

禮部事雖職務填委處之裕如十七年丁父喪歸

上及 皇太子皆遣官賜祭

皇太子贈賻尤厚有 詔起復公詣北京謝

上慰勞再三賜鈔千緡遣中官護送歸南京明年從

皇太子朝北京遂命公巡撫直隸應天等府州閭兵民休戚

及文武吏之賢否而升黜之公謂 國家多事之際悉以法繩吏人將不勝特黜其太甚者數人餘多見寬假而兵民利弊當興革者具奏行之

仁宗皇帝初嗣位一切政議預者三四人而公居首進少保兼吏部尚書二俸俱支 賜冠服象笏及玉帶二遂進少傅及進少師 賜師傳之臣銀章各一其文曰繩愆糾繆公首

被賜

上諭之曰朕有過舉卿卽具疏用此封識進來蓋望公等匡直也繼 賜誥授榮祿大夫封贈三代及妻於公數人誥詞上特增曰勿謂崇高而難入勿謂有所避而致怠所以望公等者甚切也又念公侍從監國舊勞特製寒忠真印賜之而 賜敕有以善翊君勞心焦思二十餘年夷險一節之褒

時修

太宗皇帝實錄命公監修

宣宗皇帝嗣位一切政議屬公數人如

仁考之初繼奉命監修

仁宗皇帝實錄書成賜白金文綺鞍馬扈從征庶人高煦還寵賚尤厚復從巡邊既還以公年老不欲煩以有司之務賜敕曰卿事

祖宗積效勤誠朕嗣統以來尤資贊輔夙夜在念圖善始終蓋以卿春秋高尚典劇司優老待賢禮非攸當况師保之重寅亮為職不煩庶政乃副倚毗可輟吏部之務朝夕在朕左右相與討論至理共寧邦家其專精神審思慮益致嘉猷用稱眷倚老成之意繼 賜銀章一其文曰忠厚寬弘蓋以褒

德云 賜新第於文明門內寵錄游加吏部言公歷少師九載降 敕褒諭仍 賜宴禮部是歲生旦賜鈔萬緡廐馬一匹

命上嗣大位之日賜白金文綺是夕齊宿於公得疾越五日竟不起享年七十有三公為人沈深質實和厚簡靜內有孝友之行事君有誠虛人有益無所拂逆未嘗輕涉一語傷物至於議法亦不苟為包含必歸中正歷事

五朝凡五十年所履坦坦無一日顛躓之憂退朝之暇手不釋卷貴而能謙富而能約

上前所言未嘗退以公語人蓋天下有陰被其利者矣士奇嘗竊論之魯簡肅之中實不欺李文正之不為傷人害物張忠定之不嗜玩好傳郵簡之遇人以誠范忠文之不設城府公

蓋兼有之矣元配劉氏繼張氏皆封夫人子男四長英次芳次共次荃英荃皆尚寶司丞荃先卒女二長適馬駿次適李成孫男四霖震霑露女一公之葬以薨之歲某月日墓在巴縣其鄉某原先塋之次銘曰

節乎蜀山浩乎蜀川孕精毓靈挺生偉人溫中穆外履夷蹈素

皇明麗夫奮躍自下在

帝左右秉恭與誠掌 帝之制播告四方進貳天官遂職冢宰簡用俊良往與至理

帝命游隆俾輔 聖儲陳厥謀謨 聖罔弗俞四紀在廷三翼升御肅肅師臣秉王之度一念惟仁永矢不渝寅畏小心保終猶初陰利逮人人則罔覺惟

帝昭明褒詔有數嗚呼忠定維國者成曷不憇遺翼我
聖明生榮苑哀死且不朽昭德刊辭永告爾後

故少師工部尚書兼謹身殿大學士贈特進光祿太
夫左柱國太師謚文敏楊公墓誌銘

正統五年二月十八日少師工部尚書兼謹身殿大學士建
安揚公奉勅歸展先墓既畢事卜日啓行病作衆曰曷侯
少間公曰君命不敢稽也挾醫以行至臨安武林驛病加
遂不起是年七月二十也守臣治棺斂既馳奏

皇上嗟悼輟視朝一日贈特進光祿大夫左柱國太師謚
文敏遣禮部尚書胡濙莅祭遣中使護喪還葬其鄉 命有
司治墳公先世見余譔其大父墓碑曾太父伯遜大父達卿
父伯成皆贈榮祿大夫少傅工部尚書兼謹身殿大學士曾

太母黃大母謝繼阮母劉皆贈夫人公初名子榮字德純自
學諸生鄉試選第一會試第三廷對擢第二甲賜進士出身
入翰林爲編修

太宗皇帝入正大統更其名榮初建內閣簡翰林之臣七人
其中專典密務七人者解縉胡廣王淮胡儼金幼孜公及士
奇也公齒最少最警敏一日晚

上出右順門召內閣諸臣獨公一人在出江西三司奏章示
之言吉安鄉民之嘯聚者已悉復業蓋 朝廷初有聞卽遣
行人許子謨齎 敕撫諭子謨行將一月又遣都督韓觀率
兵繼之如撫諭不下卽加兵及是奏至

上諭公曰觀不至不下其降敕褒觀公讀奏訖對曰計發奏
之日觀尚在中道未足褒從之自是益重公時四方之事方

殿七人者旦夕侍左右承顧問受命退治職務且兼稽古纂述之事不虛寸晷

上時步至閣中親閱其勞且視其所治咸稱旨時公尤勤勵遂皆進官公進修譔數月復進侍講明年改元永樂秋公請告歸省又明年春七人皆賜二品金織衣且勞之曰天下事咸朕與若等同計非若六卿之分理也無幾簡翰林之臣十數人兼春坊官任輔導公兼右春坊諭德授奉訓大夫日分直進講經史四年春公得寒疾命中官以御醫來視賜藥物五年奉命往甘肅同總兵議邊務察視守備還奏稱旨六年夏喪父給傳歸既葬逐命起復翌年冬喪母公奏歸守制時已下詔巡守世京不許七年春內閣胡公及公金公奉命扈從北京甘肅總兵何福奏除虜脫脫不

花等率部來歸命公往同福處置還奏

上悅遂奉命持節往亦集乃之地封福為寧遠侯八年春

車駕北征本雅失里公三人仍扈從至驢駒河命公先齎救還報

皇太子復還北京冬扈從還南京九年春奏奔母喪遣中使護送既還

皇太子命公侍諸皇孫學且命公曰嚴則有成公盡心不怠重修

高皇帝實錄命胡廣胡儼黃淮及公為總裁十年二月賜誥命并追贈父母妻冬甘肅守帥西寧侯宋琥奏叛寇老的罕逃居赤斤蒙古衛將為邊患時豐城侯李彬鎮陝西遂救彬率師勦之且命公往與彬計度十二月還奏餉道險

阻今泣寒人疲馬瘠不可行且小醜不足以煩王師遂
救彬旋師無幾叛者復歸十一年春從狩北京十二年三月
從征瓦剌時 皇長孫侍行

上命胡金及公三人凡行營有暇卽與講析理義開其聰明
尚寶司官闕命公兼之既還 敕翰林修性理五經四書大
全公三人皆爲總裁十四年陞翰林學士仍兼庶子扈從南
歸十五年春復扈從巡北京十六年夏進

高廟實錄賜宴齊胡公沒公掌翰林院事益見親密一時廷
臣狎恩多縱忌公抗直發其私適太學闕祭酒衆共舉公實
欲踈之

上不聽公遂密言十弊指斥五府六部都察院章留中不下
十七年進文淵閣大學士仍兼翰林學士授奉政大夫十八

年扈從北征秋還京冬將 西征親藩纂建文中江西所
民兵可徵用出奏示公公對云 陛下命復民業二十年矣
今復徵非信

上曰朕意固如此遂寢三殿災公偕金公陳便宜十數事皆
見施行重賢愛民或陷非辜必援之尚書夏原吉以兵饟不
給坐繫呂震言其柔姦侍 讀李時勉嘗論事亦有言其賣直
者皆激

上怒公悉委曲爲之辯解二十一年秋復扈從西征駐蹕萬
全一切軍務悉付公掌寧陽侯陳懋奏番王也先士干來歸
命公往議定降歸奏稱 旨廿二年復從北征中道軍餉不

繼 上聞之命公與金公總計其數遂如二公言遣使諭虜釋其

弗臣之罪下令班師浙江三司奏處州之麗水福建之政和山寇劫掠請 敕兩都司合與討之公言愚民為有司所苦出不待已兵出即良民先被害願遣一 敕使撫諭之不足煩兵

上從之卒如公言無事一日

上從容坐帳殿諭公二人曰東宮監國久熟政務此歸悉付以天下事吾惟優游莫年二公共對曰皇太子孝友仁厚天下屬心允稱

陛下付託

上悅師次榆木川

上不豫既上賓止沐浴襲奠飯令宿歛一切之禮悉出二公眾遂推公先馳歸報既至一向尚書蹇公等議禮遂議即乞

禮

仁宗皇帝嗣位進公太常寺卿嘉議大夫仍兼兩職學士逾月進太子少傅授資善大夫兼誼身殿大學士山陵事殿太監孟繼極言公盡心喪事

上嘉歎即陞公工部尚書仍兼前二職賜 敕褒諭三俸俱支尚書一俸全給米洪熙元年 賜誥贈三代考妣無幾

上命範白金為方寸印四枚其文曰繩愆糾繆以賜師傅公與金公同受其一皆期之直言匡輔修

文皇帝實錄公預總裁

仁廟一賓時

皇太子監國南京遺詔召嗣位公往迎於德州既還命公同有司相陵地

宣宗皇帝嗣位修

仁廟實錄仍預總裁高煦及在廷多懷二心雖文臣三四人勸

上親征公其首也遂扈從討平之師還特受駢蕃之賜馬騏
激變交趾黎利聚眾抗王師總帥孱弱不支輒與利和曰為
利請立陳氏後遂以師還奏至

上以示文武大臣皆勸發兵擊利

上不聽竟偃兵息民公預力焉是年八月車駕巡邊至遵
化聞虜逼塞下以道陞師難竝進

上率鐵騎數千先馳擊之文臣獨公從既還陞少傅進榮祿
大夫仍兼尚書大學士三俸俱古辭大學士俸進

兩朝實錄賜宴資又範白金為圖書刻方有剛正四字以

賜公數月

上念先朝老臣蹇義等四人皆春秋高竝賜敕褒諭而

輟職務朝夕左右侍論議公預焉賜玉帶加有御製詩

畫之賜公滿三載吏部以聞賜敕有忠言謹論裨益為多

之褒賜宴禮部遂賜少傅誥進封三代後兩扈從巡邊皆至

洗馬林而還

宣廟上賓公復偕有司相陵地

皇上嗣位公與同官三人協志合力以効裨益賜資特厚修

宣廟實錄皆為總裁書成進公光祿大夫柱國少師兼尚書

大學士如故賜玉帶時

上日勤聖學命公同知經筵事五年謁告省墓賜敕褒諭

加厚資給傳遣中官護送既還京道薨春秋七十公仕於朝

四十年皆居清密考鄉試者一讀廷試卷九為人聞疏果殺
遇事當為奮前不疑於論古人必欲出新見不肯苟同議辟
率歸竟恕勤職事盛寒暑及小疾未嘗少怠於四方齋邊徼
事及邊將勇怯智愚靡不通知故忖量事勢率預中內篤孝
友睦嫻之行家故豐裕且有厚祿能濟窮恤患無間踈戚喜
賓客善交際雖貴盛無崖岸貴賤小大皆歸心焉故聞其沒
也咸有嗟咨悼惜之意所著文章有默菴集雲山小藁靜軒
藁退思集北征記訓子編藏于家元配劉贈夫人繼劉封夫
人皆里處士仲穆之女子男六恭讓錫賜貴芳貴通女七兵
部主事雷潛詹鑣陳順德蘇潤其壻也餘在室孫男十二泰
儼倫俊儉佶倣佐侗偉倬儀女七曾孫女二皆在室士奇與
公同僚三十有九年同事

四聖今內閣舊臣惟吾兩人未能退公又溘先余逝公之墓
其子屬少保楊公書墓上之石余銘諸幽嗚呼凡今能文士
大夫感公之德述公之行雖有之矣若交之久知之深言之
信者余兩人其庶幾可無愧也銘曰

桓桓文敏通才博識遭際

聖明光奮于績承明延閣著作之庭以翱以翔舒華振英北
裔西陲從狩萬里職典著文亦兼知武羌虜腦臆帥坦弱強
重瞳屢顧敷奏惟明晚陟三孤貳公弘化恪恭朝夕敢或違


暇

帝懷軫仁鞠躬承之民懷被福電勉成之志存寬惠行在果
斷嘉謀讜議褒書有煥予培南旋曾幾何時上下延佇而討
奄來越昔內閣七人同事在蔣三紀我銘其四公壽考終家

榮寵光於乎文敏歿也不亡

皇明文衡卷之八十六

十六



皇明文衡

卷之八十六

